

曰理鄉在郡南

昔者筑後國御井川渡瀨甚廣人畜難渡於茲纏向日代宮御宇天皇景巡狩之時就生葉山為船山

就高羅山為梶山造備船漕渡人物因曰曰理鄉

狹山鄉在郡南

同天皇行幸之時在此山行宮徘徊曰望四方分明因曰分明村分明謂佐夜氣志今訛謂狹山鄉

〔肥前風土記三根郡〕物部鄉在郡南

此鄉之中有神社名曰物部經津主之神曩者小墾田宮御宇豐御食炊屋姬天皇推古令來日皇子為

將軍遣征伐新羅于時皇子奉勅到於筑紫乃遣物部若宮部立社於此村鎮祭其神因曰物部鄉

漢部鄉在郡南

昔者來日皇子為征伐新羅勅忍海漢人將來居此村令造兵器因曰漢部鄉

米多鄉在郡南

此鄉之中有井名曰米多井水味鹹曩者海藻生於此井之底纏向日代宮御宇天皇景巡狩之時御

覽井底海藻即勅賜名曰海藻生井今訛米多井以為鄉名

〔肥前風土記神埼郡〕三根鄉在郡西

此鄉有川其源出郡北山南流入海有年魚同天皇景行幸之時御船從其川瀨來御宿此村天皇勅

曰夜素御寢甚有安穩此村可謂天皇御寢安村因名御寢今改寢字為根

船帆鄉在郡西

同天皇巡狩之時諸氏人等舉落葉船舉帆參集於三根川津供奉天皇因曰船帆鄉中

蒲田鄉在郡西

同天皇行幸之時御宿此鄉西薦御膳之時蠅甚多鳴其聲大蠶天皇勅云蠅聲甚蠶因曰蠶鄉今謂蒲